

**GJENDJA ME GRIPIN NË REPUBLIKËN E MAQEDONISË SË VERIUT,
SEZONI 2023/2024
(java e 43-të, deri më 29.10.2023)**

TË DHËNA JAVORE


Gjatë javës së 43-të të vitit 2023 (nga 23-29.10.2023), në Republikën e Maqedonisë së Veriut janë raportuar 45 raste ($I=2,5/100.000$ banorë) të të prekurve nga gripi/sëmundjet e ngjashme me gripin, që është për 15,1% më pak krahasuar me javën e kaluar ($n=53$). Krahasuar me javën e njëjtë të sezonit ta kaluar

($n=15$) është regjistruar një rritje prej 3 herë, ndërsa në raport me modelin për 13 sezonet e fundit ($n=48$) është regjistruar një rënie prej 6,3%.

Gjatë javës së 43-të të vitit 2023, pranë laboratorit të virusologjisë të ISHPRMV kanë arritur 51 materiale për analiza laboratorike për gripin, 8 nga mbikëqyrja SARI dhe 43 nga mbikëqyrja e rutinore, paralelisht të analizuar edhe për grip edhe për COVID-19 dhe të gjitha kanë rezultuar negative për prani të virusit të gripit. 2 persona kanë rezultuar pozitiv për COVID-19.

Incidenca e raportuar është nën kufirin javor të aktivitetit sezonal të virusit të gripit ($I=2,5/100.000$), pra ende nuk është arritur pragu për hyrje në sezonin e gripit (Grafiku 1).

Grafiku 1. Nivelet e intensitetit dhe shpërndarja e rasteve me grip/sëmundje të ngjashme me gripin sipas lakores së pritur epidemiologjike 2010-2023, sezoni 2022/2023 dhe sezoni 2023/2024



Sa i përket moshës, tek grupmosha 15-64 janë regjistruar 16 persona, nga 0-4 vjet – 15 persona, tek grupmosha nga 5-14 – 10, ndërsa tek grupmosha mbi 65 vjet 4 persona.

Të sëmurët e kësaj jave janë rastet e para të raportuara gjatë sezonit të ri dhe janë regjistruar në Dibër – 18, Kumanovë – 16, Radovish – 3, Prilep dhe Tetovë nga 2, dhe në Gostivar, Strumicë, Koçan dhe Kavadar nga – 1.

Të dhëna kumulative

Gjatë sezonit 2023/2024 numri i përgjithshëm i rasteve me grip/sëmundje të ngjashme me gripin është **196 raste (I=10,7/100.000)**.

Krahasuar me periudhën e njëjtë të sezonit të kaluar (n=62) numri i rasteve të regjistruara është rritur për për 3 herë, ndërsa krahasuar me modelin e 12 viteve të fundit (n=143) është regjistruar një rritje prej 37,1%.

Raste janë raportuar nga gjithsej 11 QShP/NjR. Numër më i madh i të sëmurëve dhe incidencë më e lartë kumulative (475,6/100.000) është regjistruar në Dibër.

Sa i përket shpërndarjes së rasteve sipas grupmoshës, numër më i madh i të sëmurëve janë regjistruar në grupmoshën e cila përfshin pjesën më të madhe të popullatës (15-64 vjet) – 84 (42,9%), ndërsa incidencë më e lartë (31,0/100.000) është regjistruar tek fëmijët në moshë nga 5-14 vjet (n=71).

MBIKËQYRJA SENTINEL NDAJ SARI (Infeksioneve Respiratore Akute Serioze)

Mbikëqyrja sentinel zbatohet si shtesë e sistemit të rregullt të mbikëqyrjes ndaj gripit dhe COVID-19 në Republikën e Maqedonisë së Veriut, me qëllim që të fitohet informacion më i detajuar për incidencën, intensitetin, llojin e viruseve që qarkullojnë dhe për implementimin në kohë të masave preventive.

Definicioni për rast SARI sipas të cilës zbatohet mbikëqyrja është e harmonizuar me definicionin e rastit nga OBSH-ja që nga viti 2014.

Në vendet sentinel gjatë javës së 43-të janë raportuar gjithsej 22 raste SARI, nga vendet sentinel SARI në Shkup dhe në Shtip. Numri më i madh i rasteve SARI është raportuar nga Instituti për sëmundjet e mushkërive tek fëmijët KOZLE (n=8; 36,4%). Ndërsa sa i përket moshës, numri më i madh i rasteve SARI (n=14; 63,6%) janë raportuar në mesin e grupmoshës 0-4 vjet.

Gjatë kësaj jave numri i përgjithshëm i pranimeve në vendet sentinel është 151, pa raste të raportuara në kujdesin intensiv. Nga të gjitha pranimet, 14,6% i përkasin SARI.

Kumulativisht gjatë javës së 43-të për analizë laboratorike kanë arritur 8 materiale nga rastet e raportuara SARI, paralelisht të testuara edhe për virusin e gripit, edhe për COVID-19. Nuk janë regjistruar raste të gripit. Janë regjistruar 2 raste pozitive me Covid-19. Janë testuar 5 mostra SARI për virusin sincial respirator dhe të njëjtat kanë rezultuar pozitive.

Kumulativisht, nga të gjitha vendet sentinel, janë raportuar gjithsej 114 raste SARI. Numri më i madh i rasteve SARI (nga n=41 35,9%) janë raportuar në KU e fëmijëve dhe Instituti për sëmundjet e mushkërive tek fëmijët KOZLE. Sa i përket shpërndarjes së rasteve sipas grupmoshës, numri më i madh i rasteve SARI është regjistruar tek grupmosha 0-4 vjet (n=52; 45,6%).

Kumulativisht numri i përgjithshëm i pranimeve në vendet sentinel është 558, nga të cilët 2 persona janë në kujdes intensiv. Nga të gjitha pranimet, 20,3 janë si pasojë e SARI.

Është regjistruar edhe një rast i vdekjes i raportuar nga SK në Shtip, që i përket grupmoshës mbi 65 vjet, pa komorbiditete dhe pozitiv për COVID-19.

Kumulativisht, për analiza laboratorike janë dorëzuar 32 materiale nga rastet e raportuara SARI. Nuk janë regjistruar raste të gripit.

MBIKËQYRJA VIRUSOLOGJIKE

Nga fillimi i sezonit 2023/2024, deri në javën e 43-të, pranë laboratorëve të ISHP-së kanë arritur 151 materiale nga institucionet shëndetësore – nga pacientë të trajtuar në ambulantë dhe spitale për analizë për prani të virusit të gripit, nga mbikëqyrja rutinore dhe sentinel SARI.

Kumulativisht, nga mostrat SARI janë regjistruar 8 raste pozitive me COVID-19. Nga mostrat SARI 14 janë tetuar për virusin sincial respirator, 5 kanë rezultuar pozitive. Tek një mostër është detektuar prani e Adeno virus. Deri më tani nuk janë regjistruar raste pozitive të gripit.

VAKSINIMI KUNDËR GRIPIT SEZONAL

Vaksinimi kundër gripit është mbrojtja më e mirë nga kjo sëmundje, prandaj Instituti i Shëndetit Publik e rekomandon atë për të gjithë popullatën, sidomos për personat që përkasin në grupet vullnerable (sipas rekomandimeve të OBSH-së):

- Personat e moshuar (mbi 65 vjet)
- Fëmijët në moshë nga 6 deri në 59 muaj
- Personat mbi 6 muaj e me sëmundje kronike
- Gratë shtatzëna dhe
- Punonjësit shëndetësorë.

Për sezonin 2023 /2024, Ministria e Shëndetësisë siguroi 60.000 doza të vaksinë katërvalente falas për këto kategori të popullatës. 15.000 doza shtesë të vaksinës katër valente janë siguruar përmes donacionit nga PIVI (Partnership for Influenza Vaccine Introduction).

Më datën 25.10.2023 filloi vaksinimi kundër gripit sezonal. Vaksinimi kundër gripit për sezonin 2023/2024 do të zbatohet në Shtëpitë e Shëndetit dhe/ose Qendrat e Shëndetit Publik me Njësitë e tyre Rajonale. Vaksinimi i punonjësve shëndetësorë do të bëhet në Institutin e Shëndetit Publik. Caktimi i termineve për vaksinat falas bëhet nëpërmjet uebfaqes www.vaksinacija.mk.

4.500 vaksina shtesë janë siguruar nga ana e Qendrave të Shëndetit Publik si vaksina për pjesën tjetër të popullatës dhe ato mund të merren për një kompensim financiar të caktuar në Qendrat e Shëndetit Publik dhe Njësitë e tyre Rajonale.

Deri më 01.11.2023 në Republikën e Maqedonisë së Veriut janë vaksinuar gjithsej 10.827 persona me vaksinat falas, ndërsa 952 me vaksina komerciale. Gjithsej janë vaksinuar 11.779 persona.

RAJONI EVROPIAN

Sipas Raportit të ERVISS (European Respiratory Virus Surveillance Summary) të publikuar në javën e 42 të vitit 2023, aktiviteti i virusit të gripit është mbi nivelin bazë në 5 vende të Rajonit Evropian të OBSH-së. Krahasuar me javën e 41, virusi i gripit mbetet me aktivitet të ulët, ndërsa aktiviteti i RSV dhe SARS-CoV-2 vazhdon të rritet. Pranimet e reja SARI mbeten në nivel të ulët, ngjashëm me numrin e pranimeve të raportuara gjatë vitit të kaluar, ku numri më i madh i hospitalizimeve ishin si pasojë e SARS-CoV-2.

**Departamenti i epidemiologjisë të sëmundjeve infektive
Instituti i Shëndetit Publik**